



შესყიდვის ელექტრონული პროცედურის

დოკუმენტაცია

საქონლის ხორცის შესყიდვის შესახებ

მუხლი 1. ზოგადი დებულება

1.1 შესყიდვის ელექტრონული პროცედურის ფარგლებში საქონლის შესყიდვას ახორციელებს ა(ა)იპ თბილისის საბავშვო ბაგა-ბაღების მართვის სააგენტოს მიერ **ვაკისა და საბურთალოს** რაიონის ტერიტორიაზე დაფუძნებული არასამეწარმეო (არაკომერციული) იურიდიული პირები (სკოლამდელი აღზრდის დაწესებულებები, რომელთა სრული ჩამონათვალი მისამართების მითითებით მოცემულია დოკუმენტაციის დანართი N3-ში).

მუხლი 2. შესყიდვის ობიექტი

წინამდებარე დოკუმენტაციით განსაზღვრულ შესყიდვის ობიექტს წარმოადგენს **პირველი კატეგორიის საქონლის ხორცი**. შესასყიდი საქონლის საორიენტაციო რაოდენობაა - **26 107 კგ**.

მუხლი 3. შესყიდვის ელექტრონულ პროცედურაში მონაწილეობის პირობები, გამარჯვებული მონაწილის გამოვლენა

3.1 შესყიდვის ელექტრონულ პროცედურაში მონაწილეობის მიღება შეუძლიათ მხოლოდ სისტემაში „მიწოდებლად“ რეგისტრირებულ მომხმარებლებს.

3.2 შესყიდვის ელექტრონულ პროცედურაში მონაწილეობის მიღება შეუძლია მხოლოდ იმ პრეტენდენტს, რომელსაც აქვს საქონლის ხორცის მიწოდების არანაკლებ ერთწლიანი გამოცდილება. აღნიშნულის თაობაზე პრეტენდენტმა უნდა წარმოადგინოს უფლებამოსილი პირის ხელმოწერით დადასტურებული შესაბამისი ინფორმაცია დამკვეთის საკონტაქტო მონაცემების მითითებით. ამასთან, წარმოდგენილი ინფორმაციით უნდა დასტურდებოდეს სრულად მინიმუმ ერთი წლის სამუშაო გამოცდილება.

3.3 პროცედურაში მონაწილე პირმა უნდა წარმოადგინოს მისი ან ქვეკონტრაქტორის სარგებლობაში არსებული საქონლის ხორცის წარმოება/გადამუშავების ობიექტის სსიპ „სურსათის ეროვნულ სააგენტოს“ მიერ აღიარების შესახებ ინფორმაცია და მიმდინარე წელს საქართველოში მოქმედი ცხოველთა სასაკლაოების აღიარების ნომრების რეესტრში მინიჭებული შესაბამისი ნუმერაცია. იმ შემთხვევაში, თუკი საქონლის ხორცის წარმოება/გადამუშავებას ახორციელებს შესყიდვის პროცედურაში მონაწილე პრეტენდენტის ქვეკონტრაქტორი, აღიარების დამადასტურებელ დოკუმენტაციასთან ერთად წარმოდგენილი უნდა იქნას ქვეკონტრაქტორთან გაფორმებული ხელშეკრულება, რომლის მოქმედების ვადა მინიმუმ 20 დღით უნდა აღემატებოდეს შესყიდვის ობიექტის მიწოდების ვადას. ამასთან, შემოთავაზებულ სასაკლაოს დანერგილი უნდა ჰქონდეს საფრთხის ანალიზისა და კრიტიკული საკონტროლო წერტილების (HACCP) სისტემა „სურსათის/ცხოველის საკვების, ვეტერინარიისა და მცენარეთა დაცვის შესახებ“ საქართველოს კოდექსით გათვალისწინებულ პრინციპებზე დაყრდნობით, რომლის დამადასტურებლად წარმოდგენილი უნდა იქნას სსიპ „სურსათის ეროვნულ სააგენტოს“ მიერ გაცემული შესაბამისი დოკუმენტი და/ან წერილი.

3.4 პროცედურაში მონაწილე გამარჯვებულად გამოვლენილმა პირმა ხელშეკრულების გაფორმებისას უნდა უნდა წარადგინოს: ა) ცნობა გადახდის უზნარობის საქმის წარმოების შესახებ; ბ) ცნობა ბიუჯეტის წინაშე დავალიანების შესახებ; გ) ამონაწერი სამეწარმეო და არასამეწარმეო (არაკომერციული) იურიდიულ პირთა რეესტრიდან.

3.5 წინამდებარე დოკუმენტაციის 3.4 პუნქტში მითითებული დოკუმენტების გაცემის თარიღი უნდა იყოს არაუადრეს წინამდებარე საქონლის ხორცის შესყიდვის ელექტრონული პროცედურის გამოცხადების თარიღისა.

3.6 შესყიდვის პროცედურაში მონაწილე პირმა სისტემაში უნდა ატვირთოს მის მიერ შეთავაზებული პირველი კატეგორიის საქონლის ხორცის ტექნიკური მაჩვენებლები (თანახმად დოკუმენტაციის დანართი №2-სა) და ორგანიზაციის რეკვიზიტები **დანართი №1-ის** შესაბამისად.

3.7 შესყიდვის პროცედურაში მონაწილე პირის მიერ შემოთავაზებული საქონლის ხორცი უნდა აკმაყოფილებდეს დოკუმენტაციის დანართი №2-ით დადგენილ მოთხოვნებს.

3.8 თითოეული საბავშვო ბაგა-ბაღისათვის საქონლის მიწოდება უნდა განხორციელდეს კვირაში ორჯერ, საბავშვო ბაგა-ბაღის მიერ მოთხოვნილი რაოდენობის შესაბამისად, ხელშეკრულების გაფორმებიდან 2016 წლის 30 ივნისის ჩათვლით. მიწოდების დღეები ინდივიდუალურად დაზუსტდება თითოეულ ბაგა-ბაღთან ხელშეკრულების გაფორმებისას. მისაწოდებელი საქონლის შესახებ შეკვეთა მიმწოდებელს მიეწოდება ელექტრონული ფოსტის მეშვეობით. მიმწოდებელი ვალდებულია მიწოდებისას გამოვლენილი წუნდებული საქონლის შეცვლა უზრუნველყოს არაუგვიანეს მეორე დღის დილის 9 საათისა.

3.9 შემსყიდველი უფლებამოსილია, ნებისმიერ დროს დაათვალიეროს მიმწოდებლის (ან მისი ქვეკონტრაქტორის) სარგებლობაში არსებული საქონლის ხორცის დამზადება/გადამუშავებასთან დაკავშირებული ტექნიკური ბაზა და ობიექტი. დარღვევების აღმოჩენის შემთხვევაში, მიმართოს შესაბამის უფლებამოსი ორგანოს.

3.10 მომსახურების ეფექტურად განხორციელების მიზნით პროცედურაში მონაწილე პრეტენდენტს სარგებლობაში (საკუთრება ან იჯარა) უნდა გააჩნდეს მინიმუმ ოთხი ერთეული სპეციალიზირებული მანქანა-რეფრეჟერატორით (მაცივარი), რომლის დამადასტურებლადაც წარმოდგენილი უნდა იქნას სპეციალიზირებული სატრანსპორტი საშუალების ტექნიკური პასპორტი (საკუთრების შემთხვევაში) ან ხელშეკრულება (იჯარის შემთხვევაში), რომლის მოქმედების ვადა მინიმუმ 20 დღით უნდა აღემატებოდეს შესყიდვის ობიექტის მიწოდების ვადას (დამატებით, შემსყიდველის სურვილის შემთხვევაში შესაძლებელი უნდა იყოს სატრანსპორტო საშუალებების ვიზუალური და ტექნიკური დათვალიერება). ამასთან, იმ შემთხვევაში თუკი ერთი და იგივე პრეტენდენტი მონაწილეობას იღებს საქონლის ხორცის შესყიდვის მიზნით გამოცხადებულ რამოდენიმე შესყიდვის ელექტრონულ პროცედურაში, ასეთ შემთხვევაში თითოეულ პროცედურაში წარმოდგენილი უნდა იყოს სხვადასხვა (შესაბამისი რაოდენობის) სპეციალიზირებული სატრანსპორტო საშუალების სარგებლობის დამადასტურებელი დოკუმენტი.

3.11 შესყიდვის ელექტრონული პროცედურა ჩატარდება სისტემის მეშვეობით და ელექტრონული ვაჭრობა გაიმართება ერთ კილოგრამ პირველი კატეგორიის საქონლის ხორცის ფასზე.

3.12 შესყიდვის ელექტრონულ პროცედურაში ერთი კილოგრამი პირველი კატეგორიის საქონლის ხორცის საწყისი სავაჭრო ფასია 14.00 (თოთხმეტი) ლარი.

3.13 პრეტენდენტის მიერ წარმოდგენილი ფასი წარმოდგენილი უნდა იყოს ლარში, ყველა ხარჯის გათვალისწინებით, როგორცაა: ტრანსპორტირება და სხვა ხარჯები და საქართველოს კანონმდებლობით დადგენილი გადასახადები, თუ მოსაკრებლები

3.14 შესყიდვის ელექტრონულ პროცედურაში გამარჯვებულად ჩაითვლება ის პრეტენდენტი, რომელიც ვაჭრობის შედეგად დააფიქსირებს ყველაზე დაბალ ფასს და ამასთან, დააკმაყოფილებს დოკუმენტაციით დადგენილ მოთხოვნებს. შესყიდვის ელექტრონულ პროცედურაში ორი ან მეტი მონაწილის მიერ თანაბარი უმცირესი ფასის დაფიქსირების შემთხვევაში, უპირატესობა მიენიჭება იმას, რომელმაც პირველმა მიუთითა აღნიშნული ფასი.

3.15 შესყიდვის ელექტრონულ პროცედურაში მონაწილე პირის მიერ წარდგენილი წინადადების ან/და სხვა დოკუმენტების განცხადებასთან ან/და დოკუმენტაციის მოთხოვნებთან შეუსაბამობის შემთხვევაში, კომპანია დაექვემდებარება დისკვალიფიკაციას.

3.16 იმ შემთხვევაში, თუ კომისია მიიჩნევს, რომ შესყიდვის ელექტრონულ პროცედურაში მონაწილე პირის მიერ წარმოდგენილ დოკუმენტებში არსებული ინფორმაციის გათვალისწინებით, მიზანშეწონილი არ არის მასთან ხელშეკრულების დადება, კომისიას უფლება აქვს უარი თქვას აღნიშნულ კომპანიასთან ხელშეკრულების გაფორმებაზე.

3.17 კომისია წარმოდგენილ წინადადებებს განიხილავს გონივრულ ვადაში და შედეგები გამოქვეყნდება სისტემის მეშვეობით.

3.18 შემსყიდველი ორგანიზაცია ვალდებულია სხვა მიმწოდებლისაგან პირველი კატეგორიის საქონლის ხორცის შესყიდვაზე თანხმობის მიღების მიზნით, მიმართოს კომისიას შესაბამისი დასაბუთებით. კომისიის თანხმობის მიღების შემთხვევაში პირველი კატეგორიის საქონლის ხორცის შესყიდვა ხორციელდება კანონმდებლობით დადგენილი წესით.

მუხლი 4. შემსყიდველ ორგანიზაციასა და გამარჯვებულ პრეტენდენტს შორის გასაფორმებელი ხელშეკრულების ძირითადი პირობები

4.1 ხელშეკრულების პირობები განისაზღვრება წინამდებარე დოკუმენტაციით.

4.2 ხელშეკრულებაში მითითებული შესასყიდი პირველი კატეგორიის საქონლის ხორცის რაოდენობა საორიენტაციო ხასიათისაა და შესაძლებელია შეიცვალოს ხელშეკრულების მოქმედების პერიოდში.

4.3 გამარჯვებული პრეტენდენტი ვალდებულია მისი გამარჯვებულად გამოვლენისთანავე შემსყიდველი ორგანიზაციების წერილობითი მიმართვის საფუძველზე, დაიწყოს მათთან ხელშეკრულების გაფორმების პროცედურები და საქონლის ხორცის პირველი მიწოდება განახორციელოს ხელშეკრულების გაფორმებისთანავე.

ყოველი შემდგომი მიწოდება უნდა განხორციელდეს შემსყიდველი ორგანიზაციის მოთხოვნის შესაბამისად და დადგენილი გრაფიკით.

4.4 საქონლის ხორცის შესყიდვის მიზნით, შემსყიდველი ორგანიზაციები გამარჯვებულ პრეტენდენტს წერილობით მიმართავენ ხელშეკრულების დადების მოთხოვნით, გამარჯვებულად გამოვლენიდან 3 (სამი) სამუშაო დღის ვადაში.

4.5 შემსყიდველი უფლებამოსილია ხელშეკრულების გაფორმების შემდეგ საკუთარი შეხედულებისამებრ საქონლის ნებისმიერი პარტიის მიწოდებისას მიმწოდებლის თანდასწრებით დამატებითი კვლევისათვის მოახდინოს ნიმუშის აღება-დალუქვა და შესაბამის კომპეტენტურ ორგანოში ლაბორატორიული კვლევისათვის გადაგზავნა. უარყოფითი დასკვნისა და გამოვლენილი დარღვევების შემთხვევაში უარი განაცხადოს მთლიანი პარტიის მიღებასა და ანაზღაურებაზე, ხოლო მიმწოდებელს დააკისროს პირგასამტეხლო და ყველა ხარჯის ანაზღაურება, რომელიც გამოწვეული იქნება წუნდებული და საკვებად უვარგისი საქონლის მიწოდებისაგან.

4.6 მიმწოდებლის მიერ კანონმდებლობით და შესყიდვის ელექტრონული პროცედურის შედეგად ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში, შესაბამისი ორგანიზაცია მიმართავს კომისიას ხელშეკრულების შეწყვეტის თაობაზე საკითხის გადაწყვეტის მიზნით. გადაწყვეტილების მიღების დროს კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

4.7 კომისიის მიერ ხელშეკრულების შეწყვეტის შესახებ მითითების გაცემის შემთხვევაში, ორგანიზაცია წყვეტს ხელშეკრულებას, რის შედეგადაც მიმწოდებელს დაეკისრება შემსყიდველი ორგანიზაციის სასარგებლოდ საჯარიმო თანხის გადახდა, კონკრეტული ხელშეკრულებით შესასყიდი (დარჩენილი) საქონლის ხორცის ღირებულების 5%-ის ოდენობით.

4.8 ხელშეკრულებით განსაზღვრული საქონლის ან/და შესაბამისი თანმდევი დოკუმენტაციის მიწოდების ვადის გადაცილების შემთხვევაში, მიმწოდებელი ვალდებულია შემსყიდველი ორგანიზაციის სასარგებლოდ ყოველ ვადაგადაცილებულ დღეზე გადაიხადოს პირგასამტეხლო მთლიანი სახელშეკრულებო ღირებულების 0,5%-ის ოდენობით. იმ შემთხვევაში, თუ პირგასამტეხლოს ოდენობა გადააჭარბებს ხელშეკრულებით გათვალისწინებული შესასყიდი საქონლის ხორცის მთლიანი ღირებულების 5%-ს, შემსყიდველი ორგანიზაცია უფლებამოსილია ვადაზე ადრე შეწყვიტოს ხელშეკრულება.

4.9 შესყიდვის ელექტრონული პროცედურის ფარგლებში საქონლის ხორცის მიწოდებისას ანგარიშსწორება ხორციელდება უნადლო ანგარიშსწორების ფორმით ეროვნულ ვალუტაში და მოიცავს საქართველოს კანონმდებლობით დადგენილ ყველა გადასახადს. შემსყიდველი ორგანიზაცია ვალდებულია, მიმწოდებლის მიერ საგადასახადო ანგარიშ-ფაქტურის წარმოდგენიდან 3 (სამი) სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი დასაბუთებით. ანგარიშსწორება მიმწოდებელთან განხორციელდება ყოველთვიურად, საანგარიშო თვის განმავლობაში მიწოდებული საქონლის რაოდენობის შესაბამისად, მიღება-ჩაბარების აქტების გაფორმებისა და მიმწოდებლის მიერ საქართველოს კანონმდებლობით დადგენილი შესაბამისი დოკუმენტების მიხედვით საანგარიშო თვის დასრულებიდან არაუგვიანეს 10 (ათი) კალენდარული დღის განმავლობაში. წინასწარი ანგარიშსწორება (ავანსი) არ გამოიყენება.

მუხლი 5. დასკვნითი დებულება

დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით. საკონტაქტო პირები: მაკა ცინცაძე - 555 64 35 64, ნინო კონჯარია - 577 222 927.

პირველი კატეგორიის საქონლის ხორცის ტექნიკური მაჩვენებლების შესავსები ფორმა

- 1 პირველი კატეგორიის საქონლის ხორცის
ტექნიკური მახასიათებლები
- 2 ცხოველთა სასაკლავოს დასახელება,
საიდენტიფიკაციო კოდი,
იურიდიული/ფაქტობრივი მისამართი, სსიპ
„სურსათის ეროვნული სააგენტოს მიერ
მინიჭებული აღიარების კოდი
- 3 ინფორმაცია ერთწლიანი მიწოდების
გამოცდილების შესახებ (სრულყოფილად)
- 4 სპეციალიზირებული სატრანსპორტო
საშუალებების მარკა, მოდელი და სახელმწიფო
ნომერი
- 5 პროცედურაში მონაწილე ორგანიზაციის
დასახელება, საიდენტიფიკაციო კოდი,
იურიდიული/ფაქტობრივი მისამართი, ოფისის
და მობილური ტელეფონის ნომრები, E-mail,
ხელმძღვანელის სახელი და გვარი, მომსახურე
ბანკის დასახელება, ბანკის კოდი, ანგარიშის
ნომერი

პრეტენდენტის ხელმოწერა _____ /
ბ.ა. ხელმოწერის სახელი გვარი /

პირველი კატეგორიის საქონლის ხორცის აღწერილობა

- ✓ ხორცი საქონლის ძვალგამოცლილი (ახალი, გაცივებული) - 1 კატეგორიის (ცილა არანაკლებ 19%, ცხიმი არანაკლებ 16%) ორგანოლეპტიკურად (ფერი - ვარდისფერი, სუნი - სასიამოვნო, კონსისტენცია და სხვა) დამაკმაყოფილებელი;
- ✓ ხორცის შენახვის ვადა უნდა იყოს სასაკლაოში გაცივების დამთავრებიდან 48 საათი +2-+6°C ტემპერატურული რეჟიმის პირობებში (ხორცის მიღებისას გასული უნდა იყოს ვადის არაუმეტეს 30% - 14 საათი);
- ✓ – საქონლის ხორცი უნდა იყოს შეფუთული და სათანადოდ ეტიკტირებული სასაკლაოში (ეტიკტირება უნდა შეესაბამებოდეს საქართველოს მთავრობის 2013 წლის 31 დეკემბრის N441 დადგენილების ტექნიკური რეგლამენტის „სურსათის ეტიკტირებისადმი დამატებითი მოთხოვნის შესახებ“ დამტკიცების თაობაზე მოთხოვნებს)
- ✓ საქონლის ხორცი უნდა შეესაბამებოდეს საქართველოს შრომის, ჯანმრთელობისა და სოციალური დაცვის სამინისტროს 2001 წლის 16 აგვისტოს N301/ნ ბრძანების „სასურსათო ნედლეულისა და კვების პროდუქტების ხარისხისა და უსაფრთხოების სანიტარული წესებისა და ნორმების დამტკიცების შესახებ“ და საქართველოს მთავრობის 2010 წლის 7 მარტის #90 დადგენილების „ცხოველური წარმოშობის სურსათის ჰიგიენის სპეციალური წესის“ მოთხოვნებს.
- ✓ საქონლის ხორცის ტრანსპორტირება უნდა განხორციელდეს სპეციალიზირებული მანქანა-რეფრეკტორით (მაცივარი), სადაც დაცული იქნება ტრანსპორტირებისათვის აუცილებელი ტემპერატურული რეჟიმი (+2-+6°C) და სანიტარულ-ჰიგიენური ნორმები.
- ✓ საქონლის ხორცის ყოველ მოწოდებაზე წარმოდგენილი უნდა იქნას საქართველოს კანონმდებლობით განსაზღვრული შესაბამისი ვეტერინარული მოწმობა (ფორმა N2).
- ✓ მომწოდებელი ვალდებულია თვეში ერთხელ წარმოადგინოს საქონლის ხორცის მიკრობიოლოგიური კვლევის შესახებ შესაბამისი ინფორმაცია (აკრედიტებული ლაბორატორიის მიერ გაცემული შემოწმების შედეგები).

მიწოდების ადგილი

№	ბაგა-ბაღის დასახელება	მიწოდების ადგილი
1	2	3
1	ქ. თბილისის N1 საბავშვო ბაგა-ბაღი	ფალიაშვილის ქ. N34
2	ქ. თბილისის N27 საბავშვო ბაგა-ბაღი	ვაჟა-ფშაველას მე-6კვ. შავიშვილის ქ. N5
3	ქ. თბილისის N41 საბავშვო ბაგა-ბაღი	ვაჟა-ფშაველას მე-4კვ. თოფურის ქ. N10
4	ქ. თბილისის N75 საბავშვო ბაგა-ბაღი	დარიალის ქ. N14
5	ქ. თბილისის N83 საბავშვო ბაგა-ბაღი	ვაჟა-ფშაველას გამზ. N49
6	ქ. თბილისის N85 საბავშვო ბაგა-ბაღი	ვაჟა-ფშაველას გამზ. N71
7	ქ. თბილისის N114 საბავშვო ბაგა-ბაღი	წყნეთი, ქეთევან წამებულის N1
8	ქ. თბილისის N137 საბავშვო ბაგა-ბაღი	აბაშიძის ქ. N13
9	ქ. თბილისის N142 საბავშვო ბაგა-ბაღი	ნუცუბიდის მე-3 მ/რ.
10	ქ. თბილისის N192 საბავშვო ბაგა-ბაღი	ნუცუბიდის მე-4 მ/რ.
11	ქ. თბილისის N195 საბავშვო ბაგა-ბაღი	ბაგები, სტუდქალაქი კორპ. N5
12	ქ. თბილისის N201 საბავშვო ბაგა-ბაღი	ნუცუბიდის მე-5 მ/რ.
13	ქ. თბილისის საბავშვო ბაგა-ბაღი „ჩიორა“	მიშველადის ქ. N2
14	ქ. თბილისის მხედველობადაქვეითებულ ბავშვთა ბაგა-ბაღი	ვაჟა-ფშაველას მე-4 კვ. გელოვანის ქ. N4
15	ქ. თბილისის N7 საბავშვო ბაგა-ბაღი	ცაბაძის ქ. #1
16	ქ. თბილისის N52 საბავშვო ბაგა-ბაღი	ოსებიძის ქ. #62
17	ქ. თბილისის N63 საბავშვო ბაგა-ბაღი	ნუცუბიდის ქ. #42
18	ქ. თბილისის N70 საბავშვო ბაგა-ბაღი	გომიაშვილის II შესახვევი, #10
19	ქ. თბილისის N87 საბავშვო ბაგა-ბაღი	ცაგარელის ქ. #102
20	ქ. თბილისის N97 საბავშვო ბაგა-ბაღი	გაგარინის I შესახვევი #6
21	ქ. თბილისის N112 საბავშვო ბაგა-ბაღი	ციციშვილის ქ. #14
22	ქ. თბილისის N117 საბავშვო ბაგა-ბაღი	შარტავას ქ. #31
23	ქ. თბილისის N158 საბავშვო ბაგა-ბაღი	ალ. ყაზბეგის გამზ. 35ა
24	ქ. თბილისის N171 საბავშვო ბაგა-ბაღი	საირმის ქ. #82
25	ქ. თბილისის N197 საბავშვო ბაგა-ბაღი	დიდი დილომი, I მ/რ, გ.ბრწყინვალეს ქ. N5
26	ქ. თბილისის N198 საბავშვო ბაგა-ბაღი	დიდი დილომი, II მ/რ, პეტრიწის ქ. #15ა

27	ქ. თბილისის N208 საბავშვო ბაგა-ბაღი	პატ. დილომი, დ.აღმაშენებლის ხეივანის მე-13 კმ.
28	ქ. თბილისის N211 საბავშვო ბაგა-ბაღი	ალექსიძის ქ. #3
29	ქ. თბილისის N212 საბავშვო ბაგა-ბაღი	დიდი დიღმის III მ/რ
30	ქ. თბილისის N213 საბავშვო ბაგა-ბაღი	დიდი დიღმის III მ/რ
31	ქ. თბილისის საბავშვო ბაგა-ბაღი „იმედი“	ბახტრიონის ქ. #8
32	ქ. თბილისის საბავშვო ბაგა-ბაღი „ხუთ კუნჭულა“	დიდი დიღმის IV მ/რ
33	ქ. თბილისის საბავშვო ბაგა-ბაღი „სინათლე“	მარშალ გელოვანის გამზ. N4